

BAB 12 – PENAMATAN PENGAMBILAN KERJA KONTRAKTOR

12.1 Pendahuluan

12.1.1 Pemantauan kemajuan Kerja boleh juga menunjukkan tidak ada kemungkinan Kerja akan disiapkan dalam tempoh masa yang munasabah. Perlakuan Kontraktor boleh menyebabkan dirinya tidak berupaya menyiapkan Kerja atau memperlihatkan niatnya enggan menyiapkan Kerja.

12.1.2 Apabila terbukti Kontraktor tidak mungkin dapat menyiapkan Kerja atau dia memperlihatkan niatnya enggan menyiapkan Kerja atau telah menyebabkan dirinya tidak berupaya menyiapkan Kerja, adalah perlu untuk menimbangkan cara-cara lain bagi menyiapkan Kerja atau Pengambilan Kerja Kontraktor hendaklah ditamatkan. Untuk menamatkan pengambilan kerja Kontraktor, satu Notis Untuk Tujuan Penamatan Pengambilan Kerja Kontraktor akan dikeluarkan terlebih dahulu (rujuk lampiran 12A dan 12B), diikuti oleh satu Notis Penamatan Pengambilan Kerja Kontraktor¹ (rujuk lampiran 12C dan 12D).

12.1.3 Setelah pengambilan kerja Kontraktor ditamatkan, Kerja hendaklah ditawarkan kepada Kontraktor lain, dan proses penyediaan dokumen-dokumen tender, pelawaan, penerimaan, pembukaan, penilaian, perakuan dan setujuterima tender, penyediaan dokumen-dokumen kontrak, penyediaan dan pemantauan pelaksanaan kerja kontraktor baru, dan sebagainya seperti yang dihuraikan di dalam Bab-bab 5,6,7,8,9,10 dan 11 akan diulangi. Satu tuntutan akan dibuat terhadap Kontraktor iaitu melalui Perakuan Muktamad Kontrak Yang Ditamatkan Pengambilan Kerja Kontraktor sebaik sahaja Kontraktor baru dilantik¹.

12.1.4 Jenis-Jenis Penamatan :

- (a) Kemungkiran Oleh Kontraktor
- (b) Penamatan Bersama Akibat Penggantungan Kerja
- (c) Kepentingan Negara
- (d) Penamatan Akibat Rasuah

¹ Surat Arahan KPKR :(26)JKR: KPKR. 020.050/03Klt.7 bth. 4/10/06 dan Surat Arahan KPKR Bil 6/2009 bertarikh 2 September 2009 dan Surat Arahan KPKR Bil 1/2010 bertarikh 2 Mac 2010.